



BOSNIA AND HERZEGOVINA
Ministry for Human Rights and Refugees

Broj: JN-01-16-4-24-8/23

Datum: 29. 08. 2023. godine

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka b), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj 39/14 i 59/22), na Preporuku Komisije za nabavke II, broj: JN-01-16-4-24-6/23 od 18. 8. 2023. godine, u postupku nabavke informaciono-tehničke opreme, donosi sljedeću:

ODLUKU

o izboru najpovoljnijeg ponuđača za nabavku informaciono-tehničke opreme

Član 1.

Prihvata se Preporuka Komisije za nabavku, broj: JN-01-16-4-24-6/23 od 18. 8. 2023. godine i Ugovor o nabavci informaciono-tehničke opreme dodjeljuje se ponuđaču INTER-COM d.o.o, Zenica, Ul. Vrandučka br. 171 b, 72 000 Zenica, ponuda broj: 344-D/23 od 25. 7. 2023. godine, za ponudenu cijenu bez PDV-a 17.090,00 KM, odnosno za ukupnu cijenu sa PDV-om u iznosu od 19.995,30 KM.

Član 2.

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke a) do d) i iz člana 47. stav (1) tačke c) Zakona o javnim nabavkama i to u roku od 5 (pet) dana nakon što bude obaviješten od strane ugovornog organa o rezultatima postupka nabavke.

Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, javna nabavka će biti poništena u skladu sa Zakonom o javnim nabavkama.

Član 3.

Ugovor o nabavci informaciono-tehničke opreme će se zaključiti sa izabranim ponuđačem u skladu sa nacrtom ugovora iz tenderske dokumentacije.

Rok za isporuku je 45 (četrdesetpet) dana od datuma kada ugovor stupi na snagu.

Član 4.

Ova odluka će se objaviti na web stranici Ministarstva za ljudska prava i izbjeglice BiH (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke informaciono-tehničke opreme, broj: JN-01-16-4-24-1/23 od 6. 7. 2023. godine. Javna nabavka je provedena putem konkurentskog postupka za dostavu ponuda za nabavku informaciono-tehničke opreme.

Ukupna procijenjena vrijednost javne nabavke bez PDV-a: 17.094,00 KM, odnosno 20.000,00 KM sa PDV-om.

Obavještenje o nabavci, broj: 679-7-1-25-3-19/23 od 13. 7. 2023. godine na Portalu javnih nabavki. Službeni glasnik BiH broj: 49/23 od 14. 7. 2023. godine.

Tenderska dokumentacija, broj: JN-1-01-16-4-24-2/19 od 13. 7. 2023. godine. Komisija za nabavku imenovana je Odlukom, broj: 01-16-4-314-1/23 od 14. 2. 2023. godine.

Komisija za nabavke dostavila je ugovornom organu Zapisnik o pregledu i ocjeni ponuda broj: JN-01-16-4-24-5/23 od 18. 8. 2023. godine, Preporuku o izboru najpovoljnijeg ponuđača broj: JN-01-16-4-24-6/23 od 18. 8. 2023. godine i Izvještaj o radu broj: JN-01-16-4-24-7/23 od 18. 8. 2023. godine u postupku javne nabavke informaciono-tehničke opreme.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri (3) ponude;
 - da su blagovremeno primljene tri (3) ponude;
 - da je nije bilo neblagovremeno primljenih ponuda;
 - da su ponude ponuđača UNIVERZALNO d.o.o. SARAJEVO i ELUR d.o.o. Kiseljak neprihvatljive i iste se isključuju iz postupka dalje evaluacije i kvalifikacije, zbog neispunjavanja uslova za kvalifikaciju u skladu sa članom 68. stav 4. tačka i) Zakona o javnim nabavkama.
 - da je ponuda ponuđača: INTER-COM d.o.o. Zenica kvalifikovana i prihvatljiva, te da su dostavljeni su svi traženi dokazi propisani tenderskom dokumentacijom na propisan način.
- **„UNIVERZALNO“ d.o.o Sarajevo**

Ponuđač „UNIVERZALNO“ d.o.o. Sarajevo ponudu nije dostavio na način propisan u Tenderskoj dokumentaciji. Uvidom u tendersku dokumentaciju, obrazac za cijenu ponude – robe (aneks 1) utvrđeno je da je ponuđač za stavke pod rednim brojevima:

-1 Računar, ponudio sljedeće: „SSD disk: 1 TB“.

Tenderskom dokumentacijom traženo je sljedeće: SSD: M.2 500GB“.

Iz navedenog se ne može utvrditi da li ponuđeni uređaj zadovoljava tražene tehničke karakteristike, odnosno ne podržava standard (tehnologiju) M.2

-4 Skener stoni, ponudio sljedeće: *Automatski ulagač dokumenata „50-sheet Automatic Document Feeder (ADF)“*.

Tenderskom dokumentacijom traženo je sljedeće: „Automatski ulagač listova za 60 dokumenata“.

Ponuđeni uređaj ne ispunjava tražene tehničke karakteristike, odnosno ponuđeni kapacitet automatskog ulagača listova je manji od traženog.

Tenderska dokumentacija 2.2. Tehničke specifikacije: „Tehničke specifikacije predmeta nabavke su detaljno specificirane u Aneksu broj 1 tenderske dokumentacije. Ponuđač je dužan izvršiti predmetnu nabavku u skladu sa specifikacijom i uslovima koji su navedeni u tenderskoj dokumentaciji.“

Tenderska dokumentacija 3.4. „U slučaju da se u ponudi ne dostave dokazi iz ove TD ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju“.

Ponuđač je u obavezi dostaviti tehničku dokumentaciju kojom se potvrđuju tehničke karakteristike zahtjevane tenderskom dokumentacijom – Aneks 1 Napomene: „Ponuđač ne može dostaviti slabije karakteristike u odnosu na tražene, može samo jednake ili bolje, u protivnom će se ponuda odbaciti“.

Svi članovi Komisije za nabavke prilikom ocjene dostavljenih dokaza i ispunjenosti svih naprijed navedenih uslova imaju jednoglasan stav da je ponuda ponuđača „UNIVERZALNO“ d.o.o Sarajevo neprihvatljiva i ista se isključuje zbog neispunjavanja uslova za kvalifikaciju, u skladu sa članom 68. stav (4), tačka i) Zakona o javnim nabavkama.

- **„ELUR“ d.o.o Kiseljak**

Ponuđač „ELUR“ d.o.o Kiseljak ponudu nije dostavio na način propisan u Tenderskoj dokumentaciji. Uvidom u tendersku dokumentaciju, obrazac za cijenu ponude – robe (aneks 1) utvrđeno je da je ponuđač za stavku pod rednim brojem 2 Laptop, ponudio slijedeće: „Operativni sistem *FreeDos*“. Tenderskom dokumentacijom traženo je sljedeće: „OS: *Windows 11 Pro*“. Ponuđeni uređaj ne ispunjava tražene tehničke karakteristike, odnosno nije ponuđen operativni sistem.

Tenderska dokumentacija 2.2. Tehničke specifikacije: „Tehničke specifikacije predmeta nabavke su detaljno specificirane u Aneksu broj 1 tenderske dokumentacije. Ponuđač je dužan izvršiti predmetnu nabavku u skladu sa specifikacijom i uslovima koji su navedeni u tenderskoj dokumentaciji.“

Tenderska dokumentacija 3.4. „U slučaju da se u ponudi ne dostave dokazi iz ove TD ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju“.

Ponuđač je u obavezi dostaviti tehničku dokumentaciju kojom se potvrđuju tehničke karakteristike zahtjevane tenderskom dokumentacijom – Aneks 1 Napomene: „Ponuđač ne može dostaviti slabije karakteristike u odnosu na tražene, može samo jednake ili bolje, u protivnom će se ponuda odbaciti“.

Svi članovi Komisije za nabavke prilikom ocjene dostavljenih dokaza i ispunjenosti svih naprijed navedenih uslova imaju jednoglasan stav da je ponuda ponuđača „ELUR“ d.o.o Kiseljak neprihvatljiva i ista se isključuje zbog neispunjavanja uslova za kvalifikaciju, u skladu sa članom 68. stav (4), tačka i) Zakona o javnim nabavkama.

U skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16), u slučaju samo jedne validne ponude e-aukcija se ne može zakazati nego se postupak okončava u skladu sa članom 69. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ugovorni organ nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenog u Obavještenju o nabavci i Tenderskoj dokumentaciji.

	Naziv i sjedište ponuđača	Kriterij-najniža cijena (bez PDV-a)
1.	INTER-COM d.o.o. Zenica	17.090,00 KM

Na osnovu naprijed navedenog, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.



MINISTAR

dr. Sevlid Hurić

Dostaviti:

- Ponuđačima,
- Sektoru za opšte, pravne i finansijsko-materijalne poslove,
- a/a.